

Pisiortornermut politikki

1. Siunertaq

Pisiortornermi politikkip siunertaraa Sikuki Nuuk Harbour A/S-imi pisiortornerit tamarmik isertuaatsumik, akisussaassusilimmik piujuartitsiffiusumillu ingerlanneqarnissaasa qulakkeernissaat. Politikkip massuma suliffeqarfiup periusissiornikkut anguniagai sunniuteqarluartumik ingerlatsinissaq, inuiaqatigiinnut akisussaaqataanissaq aammalu isumalluutinik atorluanaanissaq ikorfartussavai – kiisalu pisortat aningaasaataasa aammalu ingerlatseqatigiiffiup piginneqataassutaasa innarligassaanngitsumik suliffeqarfittullu malittarisassat qaffasissut malillugit atorneqarnissaat qulakkiigassaralugu.

Pisiortornermissaaq politikkip avatangiisinut mingutsitsinngitsunik ileqqorissaarnikkullu imminut illersorsinnaasumik aaqqiissuteqartoqartarnissaa, kiisalu niueqatigiinnikkut pitsaassutsip, aningaasaqarnerup najukkamilu qajassuussinerup attatiinnarneqarnissaa siuarsaaqataaffigissavaa. Aalajangiinerit tatiginninnermik, piujuartitsinikkut ineriartortitsinermik niuerfimmilu naapertuilluiartumik unammillernissamik ikorfartuisut pisiortornermi politikkip sinaakkuserpai.

2. Politikki

Atuuffissaa

Una pisiortornermut politikki, suliffeqarfimmit pisiortornernut tamanut atuuppoq – pisiortornerup qanoq angitiginera apeqqutaanani - aammattaaq matumani nioqqutissat sullissinerillu ilaatinneqarput. Politikki suliffeqarfimmut tamarmut atuuppoq aammalu sulisunit tamanit pisiortortartunit pisiortornernillu akuersisartunit malunneqartussaalluni.

Pisiortornerni naapertuuttuni tamani suliariumannittussarsiuussinermut tuniniaanermullu inatsit atuuttoq suliffeqarfiup malissallugu pisussaaffigaa.

Akuersinermi suleriuseq aamma aalajangiisinnaatitaaneq

Nioqqutissanik sullissinernillu pisiortornerit tamarmik aallaaviatigut allaffissornikkut pisortaanermit akuerineqaqqaartussaapput. Pisortaanek pisiortornerni ataasiakkaani nalilersorsuisarpoq, pisiortornerit siulersuisunit akuerineqaqqaassanersut, neqeroorutininik amerlanerusunik piniartoqassanersoq, kiisalu pisiniarneq allakkatigut ingerlanneqassanersoq.

Aningaasaqarnikkut akisussaassuseqarneq aamma pitsaassuseq

Aningaasaqarnermik pisariaqartitanillu ataatsimut nalilersuineq tamakkiisumillu naliliineq tunngavigalugu pisiniartoqartassaaq. Tamakkiisumik naliliineq tamatigut pisiortorfiup akikinnerpaap toqqarneqartannginneranik kinguneqarsinnaasarpog. Aalajangiiniarnermilu tunngavigisassatut pissutsit uku tamatigut ilaatinneqartassapput:

- Aki, pitsaassuseq aamma piffissaliineq: Aningaasaqarnikkut imminut illersorsinnaasut aamma pitsaassutsip uppersarsarneqarsinnaaneranut, atorsinnaassusaanut, attartussusaanut piffissarlu eqqorlugu tunniunneqarsinnaaneranut piumasaqaatinut eqquutitsisinnaasut aaqqiissutit toqqarneqartassapput.
- Aningaasartuutit tamakkiisut: Aningaasartuutaasutut ilaliussassaqaqtussaana soorlu assartuinnermut, ikkussuinnermut, ingerlatsinnermut aamma aserfallatsaaliuinnermut aningaasartuuteqaqtussaana sillimaffigineqassaaq
- Isumalluutini atorluaaneq: Pisiortornerit pisariaqanngitsut imaluunniit pisiortornerit amerlanaakkat/anginaakkat pinngitsoortinneqassapput
- Pisiortorfimmik toqqaaneq: Ajornanngippat najukkamut attuumassuteqartut pisiortorfiit toqqarneqartassapput
- Tamakkiisumik naliliineq: Ingerlatseqatigiiffiup pisiortorfiinik naliliinnermut ataavartumik nutarterneqartartumut pisiortorfimmik toqqaaneq ilanngunneqartassaaq

Ileqqorissaarneq, uppersarsarsuineq aamma nakkutilliineq

Sikukip aningaasaqarnera, peqquserlulluni iluanaarniarnermut akiuiniarneranut politikia aamma pisiortorfinnik nalilersuina naapertorlugu, isertuaatsumik, piviusorsiorsumik kinaassusersiunngitsumillu pisiortorneq ingerlanneqartassaaq. Pisiortorfiit peqquserluuteqarnermut, sulinnermi pisinnaatitaaffinnik unioqquutitsinernut avatangiisinilluunniit mingutsitsinernut akuusut, pisiortorfiilluunniit ingerlatseqatigiiffiup pitsaassuseq pillugu piumasaqaataanik malinninngitsutut misilittagaqarfigineqalersimasut niueqatigineqassanngillat.

Pisiortorfinnik toqqaaneq uppersarsarneqarsinnaassaaq, taamatullu anginerusunik assuarnartunilluunniit pisiniarnerit aqutsisunut soqutigisaqarsinnaasunilluunniit allanut tunngavilersorneqarsinnaasussaapput. Suliffeqarfiup iluani misissuinnermut aamma aningaasaqarnikkut aqutsinnermut atatillugu, politikimik malinnittoqarnerisq misissorneqarsinnaavoq.

Nutarterineq aamma malitseqartitsineq

Una politikki ukiumut minnerpaamik ataasiarluni imaluunniit inatsimmi, aarlerinaatini suliffeqarfiulluunniit aaqqissugaanerani malunnaatilimmik allanngortoqartillugu iluarsaanneqartassaaq.

Suliarineqarfia: Septembari 2025

Akisussaasoq: JR / MNS

Ukunangga akuerineqarpoq: Siulersuisut